

k29
H89


docriver 文川网
古籍书城
获取更多电子书

中國方志叢書·第七號

據清·石臺修馮師元等纂
道光五年刊本 影印

廣東省

恩平縣志



5622/13
成文出版社印行



中華民國五十五年十月臺一版

恩平縣志

全冊

定價：二〇〇元

發行人：黃成男

台北郵政信箱二二六〇五號

出版者：成文出版社

台北郵政信箱二二六〇五號

印刷者：正大印製廠

三重市長生街二號之一

版權所有

內政部登記證內版台業字第一一四七號

序

恩平縣在肇慶府治之南
古南恩州地山海盟繞民
犛雜處宋元以前沿革不
一官於斯者非遷謫罕到
明置恩平驛屬陽江縣景

恩平縣志 卷之首序

泰天順間西獠入寇高涼
以東數百里無完城土人
爭起從賊巢壘遠近相望
成化初元偏師征討然琴
莫治臺院簡畀僉事陶公
直搗巢穴渠魁幸殲散餘

衆數萬人還各郡縣築恩

平堡以防之在陽江水東
都要險區南通陽江北通
新興東連新會當三邑之
交六郡之衝至十五年兩
廣提督柳陽朱公英請特

恩平縣志 卷之首序

陽江新興新會附近里圖
民人湊撥恩平堡立以為
縣凡割三縣人戶三千戶
糧一萬石縣以驛名城因
堡建新會陳白沙先生儒
學碑記紀其事特詳洎我

docsriver 文川网
入驻商家 古籍书城

在文川网搜索古籍书城 获取更多电子书

朝定鼎兩粵之地用兵幾三
十年恩平尤多伏莽迨後
相承德教淪泆薄海內外咸
登祖席恩平雖地處彈丸
而沐浴
大化涵濡既久民物滋豐至

今遂為樂土甲申夏六月
予捧檄維縣符問民疾苦
興利剔弊惴惴慄慄懼玷
前轍治理稍暇搜覽志乘
竊見恩之文獻事蹟關伏
者幾六十年中夜軫思急

應修補時

上憲正飭各郡縣有修葺
志書之舉前任楊公學顏
奉敕編纂未果以事去予
因不揣固陋為之踵成其
事並延學博楊君秀拔主

誦梁君卓成及諸生馮子
師元等共相參考刪煩就
簡凡十閱月書成以予忝
為邑宰復請弁言於首奈
按恩平自設縣應一百六
十七年前縣令奉新宋公

應昇始創立縣志又五十二年遼陽佟公世男初修之又七十七年福建和平曾公萼再修之為序共若干篇文美意備其何能復贊一辭然馬貴與有言志

者憲章之所繫非老於典故者不能為誠以山川險夷時俗歧異經野所分風氣所趨區宇之廣戶口之數具存圖志作而不述後將無徵今此重修體參其

舊事增於前山陵水泉鄉亭道里土田人物吏治風俗禮樂文章賢否淋慝靡不網舉目張既詳且備篤鈍如予固藉以物其土宜知其利害達其志而通其

副 欲齊其政而修其教以仰

八子課吏安民之至意即後之守此土牧此民者求前人因革損益之原委勞來還定安集之機宜治績善

財興替之樞要亦舍是淺
由焉爰允所請而為之敘
並大書協修分纂採訪替
梓諸君子姓名於簡端以
著成勞

皆

恩平縣志

卷之首序

七

道光五年歲

上浣署恩平縣事

平石臺書

宋志原序

厥初狃儻結繩可治大庭栗陸之世不知其幾千百歲而無紀也志之興也其於中古即四方之志外史掌之斯從來亦遠矣志在春秋素王素臣言之文行之遺其斯以為志嗚乎雖甚僻小苟或邑之必或志之一開之市三家之村肉賤酒薄猶有司焉惡其害已而皆去其籍則大亂之道也恩平新設之邑半設之員然自成化間立縣以來經如許歲年而志未立余叨任未幾上臺檄取縣志無以應余甚病之詢於鄉先生梁叔建氏乃

恩平縣志卷之首

一

以其所輯志稿見示余獲之如獲拱璧屬羊城廬廬甫至盧博雅士也臨印見客非無作賦之才禹穴曾探又饒良史之識且萊蕪一飢膏鹿平原十日不具因取志稿扁之草創逾月告竣適余有考察錄因文武兩閣之役遷延久之未竟修飾至仲冬始克就緒付之梓其義例倣鄆志間有併存者則相其宜存其質也為目十有一曰事紀曰秩官曰選舉曰建置曰賦役曰兵防曰地理曰祠祀曰列傳曰雜記曰藝文偶合以天數五乘地數六之數嗟乎以恩僻小之鄉兼余淺昧之識而欲規備乎文獻誠不自量第幸兩君子推之挽之辟諸蒐獵

梁則力而驅諸原盧則割而登之金余特剗調噴暖之使適於口而已謔曰既則鹿為則肉吾能無內愧乎哉昔崇正九年丙子仲冬長至之吉知恩平縣事宋應昇撰

宋志原序

歲己亥嘗神宗顯皇帝之萬曆二十有六年旬宣東粵左轄山陰王公泮大修省志聘鄉先紳三人總裁其事郡邑名諸生十人分修十郡先世父廷龍領肇慶一府之屬原甫弱齡執筆從事明年庚子世父舉孝廉以計偕行時志草已什九屬原甫力以復當事者至今宛然

恩平縣志卷之首

二

在胸臆間也原甫也賤少多奇病自先君子諱關上書還不幸而早世在依慈母拮据勞瘁不能苦事鉛槧甫成就而又會先世父捐館舍家難叢生賣白雲之田駕青雀之舫浮三湘窮七澤週吳越過五湖一十六年歸而泊珠江之上鶴鶴一枝且未遂安亡何游嶺以西入龍江旋駐端州進而游恩州即今恩平縣訪豫章宋元孔令公豫章原舊避令公才名重海內聲氣之投固非一日風流愛客不減臨印下榻雲松鶴唳間以其治邑之志事相屬噫原何人斯梁剛授簡先媿相如石渠載筆敢効馬遷而敢當斯任令公愛逾誠而委愈篤道不

容辭且謂恩平未有志之者因憶原三十年前胸臆
問事欲歸而後前稿不一屢豈不具在逼於家難
雖連牒充棟之書先人手澤竟無從覓徒增傷嘆幸而
令公先得邑人舉叔建先生章本一快恐其未備令公
復蒐求郡乘博探羣情原得以散秩橫襟揆其遺以補
其漏存其喪以及其難時克光大隨行侍事命其致書
輿圖指陳阨塞使人其地者見志之所贖列爲不誣也
雖然邑有新故治有緩急物有簡煩爲之志者務其新
而次序之庶幾無紊焉觀於自有封域則有盛衰世運
迭更沿革匪一必先之以縣綱縣紀既詳民安動車不
恩平縣志卷之首 舊序 三

賴官師其何以統故次之以秩官蔚然務變代置之香
徵辟道衰科貢斯顯次之以選舉官有署師有序倉
廩宇表厥常儀城郭橋梁悉資管度次之以職官
謁其謀小人輸其力食土之毛其誰不供車轍馬廐
衢孔瘁次之以賦役龍蛇之生多在山澤戈矛甲盾以
備不虞次之以兵防天道旋於上地軸轉於下山川
易彼此殊形隄岸陂塘物利攸藉次之以地理發明
也不秩則蠲文教非昭敬修秩祀次之以祠祀畏皇
鄉無忘祖豆滂真顯烈儒俗以興星夕霜朝有風無二
汎柏和九俱可以風也次之以列傳族聚類編創制

野生民嗜慾不一其性居處貧富不一其習不礙風間
傳諸觀記次之以襟志鳳有苞麟有紋點額寒英絢諸
霞采殘膏賸積瞻承千秋一言信史永賴斯文而收之
以藝文原籍謂信則傳疑則闕志意也詳而不紊贈而
不穢此原之所以志意也是役也崇正丙子三月既望
人恩平越十日而受斯命適令公以公行入郡一月而
志草成又十日謝主人行原性懶不能遍謁諸名公訪
採輿論時惟梁叔建一人相與周旋管窺如此潤飾取
裁是在令公也是在令公也昔崇正丙子長至之吉羊
城盧原譔

宋志梁序
夫志所以紀風俗載典故別善惡以昭往鑒來厥係豈
渺小哉恩平縣自戊戌迄今百有餘祀而志未就
豈非缺典萬慮成秋督府陳爲通志之纂檄各府州
縣緝其舊志以聞而恩乏刻本無以應也翁源何師署
學事承督府之命惟謹察棟於僑伍中而付茲役
固辭而固弗免爰取前輩所紀傳者縱觀之則世三
焉夫孔子作春秋其事極文其文史義則自謂
事非文不傳文非義不顯義以命文文以敘事是謂三
長今則無文史之可乘而蕪穢謗劣卽片語亦當新

則創構之難萬歷弓田後冊籍權核似例經一賦亦蘇
之而兵戎更置屢餉靡常則推算之難名宦人物原無
衡論而欲一一訪其生平立之列傳以垂勸懲則考覈
之難以此三難加之不敏其何以稱督府至意以無負
翁源知人之明也者為此踟躕屢舉筆焉已熟思之與
其畏難而止使一邑鉅典終屬淪沒無章舉才而赴據
實而紀以備觀風者一擇亦足為理道資者於是單精
博採矢志裁訂抵歲暮而稿始成爲例十有二始之以
地理而疆域列矣表之建置正之祀典紀之賦役嚴之
兵防以秩官者昭其序以選舉者登其名以名宦者錄

恩平縣志卷之首 舊序

五

其績以人物者最其實以貞烈者彰其節以文藝者採
其工至事變祥異道之困也咸亦論次付雜誌焉經世
君子棄其詞而採其實商推推行以期實用則督府命
修至意其不虛哉而棟亦藉是以報翁源以暮過免咎
矣若謂意長才短無所取裁持三說以請我何以解焉
邑人梁維棟撰

佟志原序

今上統御區宇北控烏龍江南抵臺灣幅員一萬里自京師
王撫有旬服未有如此之廣也頃者

萬幾之暇留心版圖下戶禮二部臣論天下直省合郡縣上

以所治山川城堡戶口之志於布政司檄所在文儒藝
士纂修通志寫繪輿圖以進未期年告成百代建置之
民生衆如不睹掌又書契以來天府圖書所未備也世
男恭際

盛典以二十二年春承乏知恩平縣事恩平故宋恩州隸
肇慶府之南古遷諸君子之區其地當三岐衝塗介
山海雜播無所爲政明成化二年置堡以處其民至
十五年從南廣總督朱公奏請劃新會新興陽江三縣
附比之里以立縣其時承平令此者沿故事以守其自
未有聞也崇正九年宋公應昇來知縣始作縣志經分

恩平縣志卷之首 舊序

六

緯列願得圖志之體於是恩平乃得附見於郡邑追我
國朝兩粵用兵幾三十年恩平尤伏莽出沒之藪巖邑邱
城廟官禾黍人民生產幾不可問令無所棲類居村隅
芟合歲時禮會入城立綿蕞於縣址率僚屬北向拜舞
而去官師賦役卽列諸縣之後會不得名一堡矣世男
莅官既受事立草中左顧師儒右進父老而告之曰余
受

天子命宰縣則縣之土地人民令是責矣五十里百里皆
天子之封疆令舍封疆居爰舍視縣爲郵傳如民人何時
先師主祀遺樞下有年世男謁廟退益不自安乃發使奉書

信歸管祖父積俸以次建置明年捐牛種勸墾居亡何
草萊闢田野復盜賊息學宮巍然廟宇鱗次婦子穠負
而歸者入其境望城闕涂井還回莫知所以自世男至
官迄今蓋五年云世男惟興作苟完文事無徵非所以
答

天子式負版至意會求得宋公縣志於旁郡正訛補逸徵事
考文仍志之目十有一而列其小序於下世男不敏大
書

國朝損益因革之制進邑之紳士鄭軾何俊劉介玉許大
任修飾潤色續於篇而於山川兵防三致意焉蓋恩平

恩平縣志 卷之首 舊序

七

交錯山海荏苒之跡蹉莫復伏今雖猶獲買積吏民無
擾世男不敢謂恩已治可以撫鳴琴樂絃歌而忽於
天子加意地輿安不忘危之道也是爲序昔康熙二十七年

戊辰仲夏文林郎知恩平縣事遼陽佟世男頓首撰
會志原序

縣有志何昉乎周官外史掌邦國之記記之爲言志也
藏於國則爲史上之朝則爲記明不敢與王史埒其實
皆史也封建既廢易爲郡縣史之名乃專屬之柱下掌
其紀載之散見於諸書者皆謂之志論者謂史貴簡而
明志貴詳而核雖體不一無小異其爲記載之書一而

已恩平設縣在明成化間至崇正乙亥宋君應昇始爲
志常是時明運式微盜賊起恩平固戎馬往來之地
也爲之令者方補苴罅漏之不遑何暇操觚論著述而
宋君毅然能爲之

國朝康熙二十五年伏莽初平元氣方復佟君爲宰復
然增修之是一君者皆有功於恩者也嗣後遂無復修
者前令何縉二君皆史才也慨然思修之卒亦不果蓋
縣志之成若是其難焉余於乾隆庚辰六月蒞恩平去
佟君之時且七十餘年問志於掾吏則曰版蝕於蠹投
諸火索紳士家得剩本亦殘缺不可讀余乃慨然歎曰

恩平縣志 卷之首 舊序

八

風化氣運之轉移科條政令之施設閱時而遷焉所藉
以考信者惟此載籍之僅存耳而在其消沉磨滅焉如
文獻何顧入官伊始簿書期會日不暇給固有志而未
逮也既而攝篆朔陽至乙酉冬暮還恩平會 巡憲陶
公詢及之忽然益無以自安乃於丙戌三月延寓賢選
邦彥扁局授簡至六月而書竣凡十卷首疆域別封圻
也次建置明因革也次記事備考核也次秩官昭職守
也嚴芻牧則賦役有志洪陶淑則禮樂有志嚴斥墾則
兵防有志樹典型則人物有志畜牧饒土地之利則物
產有志詞章發邦國之華則藝文有志他如星野之耀

開茂相月朔日聞中曾尋書於南平官署

會志居序

鯁以樗味無能之資落拓不羈之行奔走燕粵間者幾

二十年蓋甘自濯務久矣甲申秋重遊東粵會閩漳會

公攝治潮陽招以俱往公因恩邑大夫也明年乙酉還

恩平仍獲屬車之載夫亦謂斯二邦者皆足跡所未至

青雲可托藉以一探山水之幽奇耳不虞公之以縣志

諉也志猶史也春秋而后稱良史才者莫如遷固後世

猶謂記繁而志寡史之失自遷固始况出遷固下者乎

近之為志也大率皆假手於大人先生次亦一時知名

明體裁嚴整公允為之發凡厥惟選循軌轍期無越畔

而已書成獻之公於鳴琴之暇研精汰粗去俗存雅

一筆一削皆有深意則又光弼代子儀軍旗一變矣

至若荒村潛德幽巷貞葵以及先哲遺踪勝朝逸事或

以傳聞無據挂漏貽譏則邑紳士任分採者限於聞見

之未周鯁與會公不任咎也乾隆丙戌孟秋上浣乞巧

前二日實山周書潛感肅書於南平邑署之金粟軒

士其識精其學富其才敏其手筆自高古而邁俗勢位

之崇隆聲望之赫奕又足以震攝眾人之耳目關其口

而奪之氣故書出而人莫敢議其後不然未有不羣起

而譁掩袖而笑者鯁何人斯敢當斯任夫強補鍋者鑄

千石之鐘彼知金之於何范土之於何合乎呼斷輪者

搆九伊之堂不血指汗顏者豈亦寡矣辭之再三而公

終弗許也乃蒐羅散佚尋舊志於煨燼之餘刪其繁補

其失正其誤闕其疑釐為十卷始於丙戌三月至六月

而草稿甫定念賦役為民生所係忠賢節孝實風化所

關者核採訪務詳且確視他志尤加慎焉若夫次第分

修輯姓氏

倡修

恩平縣知縣楊學顏 山西曲沃人

總修

恩平縣知縣石臺 直隸涿州人

協修

恩平縣訓導楊秀拔 嘉應鎮平人

原署增城縣教諭梁卓成 邑人

分纂

生員馮師元 邑人

恩平縣志 卷之首 姓氏

生員梁紹鳳 邑人

生員黃奮昌 邑人

生員鄭廷修 邑人

生員吳桐 邑人

生員黎文典 邑人

採訪

歲貢分發訓導馮文彪 邑人

生員吳士上 邑人

附貢即用縣丞孝廉方正梁紹芝 邑人

附貢生鄭朝珠 邑人

署澄海縣教諭張濟川 邑人

武舉鍾聲鳴 邑人

督梓

恩平縣典史湯文壽 安海縣人

恩平縣志 卷之首 姓氏

二

恩平縣志目錄

卷之首

圖象

卷之一

星象 分野 晴驗 星度辨論 彗候

卷之二

沿革表 志

卷之三

編年

卷之四

恩平縣志 目錄

疆域 縣屬 山 川 波 湖 郡 國 城 市

卷之五

建置 城池 公署 一 厥 廨 一 社 倉 坊 表 溝 洫 橋 梁

卷之六

戶口 民戶總錄 丁山編征例

卷之七

田賦 稅賦總錄 地賦派征例 地丁同征例 經費 倉儲 雜稅 官山 鹽課 橋役

卷之八

學校 學宮 儒學 學額 書籍 學制 學田 書院 書火 社學

卷之九

秩祀 壇廟 祭品 祭儀

卷之十

典禮 慶賀 宣講 上任 行香 迎春 賓興 送學 釋菜 鄉約 鄉飲 教護

卷十一

兵防 兵制 軍器 營寨 屯兵 鄉汛 鄉政

卷十二

職官 文職 武職 名宦 政績 武職

卷十三

選舉 科貢 仕進 對贈

恩平縣志 卷之首 目錄

卷十四

人物 列傳 列、耆壽 仙釋

卷十五

風俗 土風 民俗 歲時 歲占 冠婚 喪葬

卷十六

物產 穀屬 蕩屬 瓜屬 藥屬 草屬 木屬 竹屬 花屬 果屬 禽屬 獸屬 鱗介屬 石屬

卷十七

古蹟 舊治 古書院 臺榭故址 名墓

卷十八

藝文 文 詩 詞

卷之末

拾遺

恩平縣志

卷之首

目錄

三

恩平縣志卷之首


圖象


此志也何以圖圖其可圖者也舉可圖者一一圖之俾
 讀者開卷了然心目而計里按圖明察不惑矣扼要以
 圖控制有術矣流覽瑤圖可當卧遊輪奐新圖如親歷
 境矣故古人謂之圖經圖在畫前言由象著因彙為一
 帙以弁其首繪圖象

恩平縣志

卷之首


一





docsriver 文川网
入驻商家 古籍书城

在文川网搜索古籍书城 获取更多电子书



恩平縣志卷之一

星象 分野 占一星度辨論 氣候

星分十二舍辰星 星之次五嶺以南東粵偏於東宮

處巽位而居辰秋分後酉與辰合日躔壽星之次即其

地也於卦為觀觀之時義首重大觀在上風澤遠民而

隆平致治也縣之四名其有當於此乎我

國家際其道大光之年瑞協璣衡時調玉燭

辰極而紀休祥宜何如作觀也志星象

恩平縣志 卷之一 星象

分野

周禮 保章氏以星野辨九州之地所封封域皆有分星

以觀妖祥

春秋元命包 牽牛流為揚州分為越國

史記天官書 南斗為廟牽牛為犧牲婺女其北織女織

女天女孫也斗江湖牽牛婺女揚州

前漢書地理志 粵地牽牛婺女之分野也

蔡邕月令章句自斗六度至須女二度謂之星紀之次越

之分

皇甫謐帝王世紀 黃帝推分星次自斗十一度至婺女

恩平縣志 卷之一 分野

七度一名須女曰星紀之次於辰在丑於律為黃鍾斗

建在子今吳越分野

南越志 南越之地牛女分野揚州之末七也

晉書天文志 牽牛去南河浸遠白豫章迄會稽南踰嶺

微為越分

唐書天文志 初南斗九度餘千四十二秒十二太中南

斗二十四度終女四度自廬江九江負淮水南盡臨淮

廣陵至於東海又踰南河而南涉越門訖蒼梧南海踰

嶺表自韶廣以西球陸以東為星紀之分

又南斗為吳分牽牛為越分婺女當九河末派比於星紀

與吳越同占

杜佑通典 牽牛婺女越之分野

宋史 嶺南當牛女之分

元史 斗四度三十六分六十六秒入吳越分

明一統志 粵廣州牛女之分

瓊州同

輿地志 東越九郡俱屬瓊州南境天文牛女分野

惟廉州旁蓋翼軫

占驗

鄭宗彙星經 牽牛六星次一二星主南越明則王道昌

恩平縣志 卷之一 占驗

三

又天市中衆星潤澤歲豐

按天市垣二十二星東藩十一星其第十星曰南海

秦二世二年十月五星聚東井

任鸞觀天文曰秦方喪亂此南方偏霸之象也按東井

秦分二世德薄不足當其瑞漢王以十一月入關實爲

星聚之應而河戌六星夾東井當南北兩河各三星南

曰南戌北曰北戌餘氣及於南戌因知爲南越偏霸之

象

漢孝景元年正月癸酉金水合於婺女二年七月丙子火

與水晨出東方隨守斗十二月水火合於斗牛

按斗牛女星紀之次斗牛又應吳故三年吳王連七國

反敗走粵爲粵人所殺

武帝元鼎中樊噲守南斗

按師古曰南斗越分也其後越相呂嘉弑王及太后漢

兵討滅之

大通六年四月丁卯樊噲在南斗

按是年嶺南賊起

大同五年十月孽出南斗

按其後李賁稱帝於交州發吳越兵討之

宋恭帝德佑元年八月樊噲犯南斗

恩平縣志 卷之一 占驗

四

帝昴祥興元年八月庚申月貫南斗乙巳星隕於海

按次年師潰厓山帝昴國丞相陸秀夫負沉於海太傅

張世傑趨安南至南恩州平章港颺作舟覆朱亡

明正統十三年八月有星孛於南斗

按次年南海黃蕭養作亂

嘉靖二十一年秋七月己亥火星犯南斗第二星

按占主東南大饑

天啟三年夏六月樊噲入南斗

按是年冬流賊起新會焚掠壁廬

舊以占星家謂南極入地三十六度為南深此就守
 土中言也若以里蓋計之凡東西距三百五十五里即差
 一度試觀日月交食差本時三十分即日影之一度也
 至七千五百里則東為卯初見食西行寅初差全時矣
 卯不見食也再越二萬二千五百里東為午正西為卯
 正差三時矣故噴噴諸夷謂中國午彼國卯中國卯
 彼國子非無據也惠書正朔之疆宇內南至廣東崖州
 北至黑龍江北尼布楚不能萬六千里日出日入此寅
 正彼月初此戌末彼酉半約差一時零八刻夏至尼布

恩平縣志

卷之一 星度辨論

五

禁日六十五刻有零崖州止五十三刻冬至反是其在
 南北見也亦然廣東瀕南海之濱南極則照應前計再
 南五六千四尺三十六度則南極當頂而北極愈隱此
 嶺南占驗所以必於南斗也南斗前臨壽星之次稍偏
 於東約在巳丙之間其異離正朝北極惠書天文志
 謂杓以治外故鶴尾為南方負海之國又曰星紀鶴尾
 以負南海海平節廣以西珠崖以東為星紀之分而鶴
 尾初張十五度餘千七百九十五秒二十二太中翼十
 二度終軫九度由房陵白帝而東逾南紀盡鬱林鶴浦
 之地自富昭以西即入鶴尾之墟輿地志亦謂廉州旁

善翼軫星再論世載二十九百三十二里為一度鄭
 宗鼎星經又謂每星一度轄地一千四百里今南恩去
 富昭不能三百里其在星紀之末鶴尾之初乎至占星
 素應牛斗而鶴尾為翼軫所屬從二十八宿右旋次序
 斗之翼軫至斗牛中隔角亢氏房心尾箕七星豈能飛
 越右者分野視分星星之分野有定不以道里泥也故
 國在此而星當在彼鄭氏所謂星土星所主土也郡國
 志但書分野無辨星緯之文正深明乎此不然天市垣
 左藩第十星名南海何介在燕宋之交乎抑更有當辨
 古虞書中星與月令中星不同先儒已明言歲差矣而

恩平縣志

卷之一 星度辨論

六

歲差亦有遲速故宋開禧時以虛危之間定指南今則
 冬至日躔箕三度矣且如參嘴二星贏縮無常先後互
 易安可以一成之論測星象乎是在仰觀者先明次舍
 之不變次核度數之有準其或飛流伏逆隨時敬瞻即
 南恩一測安在懸懸珠貫煌煌弁橫不如視諸掌也哉

氣候

恩平為嶺外荒微本屬瘴鄉宋時邊騎猶憚到此廢太子惡權相史彌遠於宮列其名呼之曰新恩言當放諸新州及此恩州也春有青草秋有黃茅而桂花菊花之號隨時立名由於南方屬大地近暑門恒過於燥且色境多叢鬱疊嶺嶺成嵐故瀟而為瘴春夏之間霖雨連旬過蒸溽濕不獨身下為然出麓高原亦滋霧縹衣服書畫晒曝不時便致黧皴夏秋之間常防颶風其作也饑母先見形若斷虹曾不需時四方之風咸具衝矣怒發洶氣沸騰天半澎湃之聲如按百靈俱至竟有震

恩平縣志 卷之一 氣候

七

撼六時者迨自北轉南力減始息而舟徙陸苴浮林拔木殺稼爭相走告已又有石尤風俄頃猝起舟行見黑雲翔湧走如雞爪急從避之庶免打頭之患地多高壤畏早密雲之起每從南方而北風先應之視積末微哥雪氣油油農家即相約整叢笠向田疇故諺有之曰迎雨風好耕種又曰轉風下雨耕田鋤地蓋瞻蒲望杏實應牽牛之祥無怪課雨問晴諸於占卜惟霰雪渺見草木常花土麻因之不厚而陽氣外洩陰氣內凝湯氣外洩故歲冬或至搖扇民多益汗腠理不密變為疝瘕陰氣內凝故水性寒晨夕常昏霧夏陰即涼民多脹滿體

倦脚氣之病南漢書云揚越之地少陰多陽其人疏理

鳥獸希毛其性耐暑投荒錄云嶺南方盛夏修陽修雨大雨傾注頃忽赫日已復大雨故炎熱甚於北土自二月至九月皆夏令也大抵陽氣常盛陰氣伏而與之相搏居此地者非省嗜慾節飲食豈能免患舊志引劉元城語錄云某初到南方有一高僧教某南方地熱酒性亦熱今嶺南瘴鄉更加以酒必大發病故某過嶺即舉家戒酒雖通歷水土惡弱之處而十口無恙不飲酒之效也觀此可以得內養之道而避風如避箭急者急脫勝於服藥聆諺言則所以養其外者又不可不慎矣

恩平縣志 卷之一 氣候

八

沿革表

恩平之名縣也始於唐肅宗其時屬嶺南道顧錫以嘉
 名越千百年至今莫之易也溯自帝嚳置九州其地不
 入中國介在蠻荒後或隸郡或置州或為路升降不常
 盛衰屢變蓋時而幅頓遼濶時而廢縣置堡控制自有
 機宜因革豈無損益不為之明辨以督將恩江之源何
 以正南平之號何以稱厥愆屈銀所聞不能無異祝其
 夾谷其實誰與絜稽乎志沿革

按沿革表例以總部統郡以郡統縣而路府與郡並列

恩平縣志卷之二 沿革

但秦分天下為三十六郡則係統轄宜列之總部若元
 之路雖不及宋但既自為一路亦宜列總部至歷代稱
 州或為統轄或為分隸各考當時之制別而列之其間
 藩封割據即於表內附詳焉

總部

軍州郡

縣

唐虞

南交

夏

禹貢揚州之
南裔

商

南越

周末

百粵


秦始皇

南海郡
置南海郡
尉以任焉為

恩平縣志卷之二 沿革

三國	魏帝	雲帝	恩平縣志	桓帝	漢武帝	二世
廣州 吳黃武五年分交 州置廣州 安七年置廣州領 南海番禺高涼 興等郡			卷之二 沿革			南越國 南海尉任焉府 卒龍川合趙佗 行封事自立為 王國號南越
高興郡	高涼郡 建安二十 五年孫權 復置高涼 郡	高涼郡 建寧元年 改高興為 高涼郡尋 廢	三	高興郡 建和元年 析南海蒼 梧置高興 郡	合浦郡 元鼎六年 置合浦郡	
海安縣 吳黃武元年析 高涼地為海安 西平二縣赤烏 元年改置高涼 郡海安屬焉	邑地屬高涼	邑地屬高涼		邑地屬高興	邑地屬合浦	

高祖	隋	世祖	恩平縣志	高祖	晉
嶺南道 唐則登以嶺南 乃置嶺南道 高涼地置春新 等州而高州為 高州府今略之			卷之二 沿革	廣州總管府	廣州
高州	高涼郡 隋置據其 地	高涼郡 大業間以 陽春杜原 屬江海安 屬高涼郡	四	齊安縣 開皇十年改杜 陵曰杜原 百義 日義 日義 日義	齊安郡 大康元年置高 興郡入於高涼 置杜陵永安 康齊安四郡
齊安縣 武德五年改 海安曰齊安 屬高州		海安縣		齊安縣 開皇初生 廢杜陵永 寧宋康齊 安四郡並 為縣	邑地屬齊安



宋 太祖	五代	昭宗	恩平縣志 卷之二 沿革	肅宗	元宗	太宗
廣南東路	南漢國 劉隱誅州 仍唐制	嶺南東道		嶺南道	嶺南道	嶺南道
恩平州 開寶五年 徙州治於 陽江九年 廢恩平縣 併入陽江				恩州 恩州郡 恩州 乾元元年 復改恩州 唐為恩州	清海軍 天寶元年 置清海軍 於恩州 改為恩州	恩州 貞觀二十三年 廢高州郡 置恩州 以陽江 海安西平 二縣 置恩州
恩平縣 邑地入陽江	恩平縣	恩平縣 大順二年 徙治於 恩平縣	五	恩平縣 至德二載 改 海安縣為恩 平縣		海安縣

宋 太祖	仁宗	元 世祖	明 太祖	恩平縣志 卷之二 沿革	憲宗	國朝 世祖章皇帝
廣東布政使	南恩路 至元十七年 置南恩路 恩州為南恩路 南恩路 十九年 置南恩路 南恩路	廣東布政使	廣東布政使		廣東布政使	廣東省
肇慶府 洪武二年 置 恩州併入 陽江為縣 設肇慶府	南恩州 肇慶八年 以恩州 為南恩州 改為 北路 以別之 加南字以別之	肇慶府	肇慶府		肇慶府	肇慶府
邑地入陽江		恩平縣 成化十五年 已交折陽江 新興新會 置恩平縣	恩平縣 邑地入陽江	六	恩平縣	恩平縣 廣治五年 併入開平

附考

晉書地理志高涼郡有思平縣高興郡有西平縣其時無所謂思平也思平為後漢孫權置沿及晉宋宋書州縣志謂漢合浦郡高涼縣漢獻帝建安二十三年吳分立治思平縣而吳析高涼縣置西平縣則晉志詳言之似思平西平皆從高涼析出特西平又屬高興顧宋志但有思平無西平且不知何時徙一語宋志仍屬模稜是即思平立縣亦難為確據唐貞觀時以西平齊安杜陵置恩州當時以恩名州必仍其舊或思字實恩字之訛雖太康地志亦有思平今然以訛傳訛均未可定而

恩平縣志

卷之二

附考

七

地志諸書恩平皆作西平則西平為恩平之舊無疑方輿紀要西平廢縣在今肇慶府陽江縣北正合今恩平縣界故歐陽忞輿地廣記載西平縣晉屬高興後省入高涼梁為高州隋為高涼郡唐武德五年改曰西平貞觀二十三年以縣立恩州而高州徙良德後州徙治恩平而西平省入焉據此觀之西平恩平是一是二一必不能辨之者至宋南恩州因改河北路貝州為恩州特加南字以別之即今縣地故號曰南平若夫齊安海安其名數易總不離乎肇慶高州二府之間首近是其潮州府惠來等地亦名海安則相為甚遠不能相蒙而曾咸

和六年海安屬東官郡宋及齊初因之亦非必即縣境也他如太平寰宇記稱後唐清泰元年陞恩平為防禦州元世祖至元十六年廣南西道宣慰司定肇慶地隸廣西十七年改下路總管仍屬廣東是亦沿革所關不可不錄之以備考核而南越志稱高涼本合浦縣吳呂岱為刺史錢博請降制以博為高涼郡尉於是置郡則漢以前實合浦地也

恩平縣志

卷之二

附考

八

編年

攷古有詳異志無編年志但詳異列於事紀則紀事固不可不編年也蓋意曰天以順動不失其中則四序順至地以靈靜作合承天故品物用成此豐歉所係也而嘉禾之生間傷蟲賊宋元前恩江事多泯沒無傳明不疲難較他邑為甚自入

紀朝以來遊於化日光天之下亦既月異而歲不同緯緯風行比隆三代已語曰臨明鏡者無遁形前事之察後事之辨也志編年

編年

古帝命叔宅南交

虞帝命夏王導黑水入於南海

商王定南越獻令

周武王十三年己卯定南海為藩服

顯王三十五年丁亥楚滅越

越伐楚楚子肅南大敗之滅其國越人遂散處江南海上各自為長是名百粵

按越人避楚害易其名為粵粵之稱始此其後漢江

都易王問董仲舒粵王勾踐綱目書越為粵則粵與

越通

秦始皇二十五年己卯定百粵

是時遣大將王翳南征百粵悉定其地

三十三年丁亥立四郡

初分天下為三十六郡既定百粵復立閩中南海桂林

象郡凡四郡以任囂為南海郡尉趙佗為龍川縣令

漢高帝元年己未冬十一月南海尉任囂卒趙佗代為尉

趙佗聞囂卒自龍川起兵至南海郡代領其眾復擊并

桂林象郡改南海為南武自立為南武王都番禺旋稱

南武

孝文帝元年壬戌秋八月遣大中大夫陸賈諭南越去
游號南越王趙佗上書稱臣奉貢

孝安帝元初三年丙辰春正月蒼梧合浦蠻反二月

遣御史任遠督州郡兵討之三月赦諸吏人為賊所迫

者冬十一月蒼梧合浦蠻降

孝獻帝建安元年丙子交趾太守士燮以其弟資為合

浦太守

時賊殺交趾刺史朱符州郡多亂燮乃表壹領合浦

後漢帝建興四年丙午

吳黃武五年

析合浦以北海倉倉積

鬱林三郡置廣州

恩平縣志 卷之三 編年

三

按廣之名始此

晉世祖太康元年庚子冬十一月海安令蕭廣反

愍帝建興三年乙亥徙陶侃為廣州刺史

梁武帝天監五年丙戌秋七月分廣州置桂州

按東西兩廣之名始此

隋文帝開皇十八年丁巳括嶺表大船

自江南至嶺表船長二丈以上者悉括入官防海上

捕聚也

唐德宗建中四年癸亥十二月貶白志貞為州司馬

興元元年甲子嶺南選補使陳歸有罪配恩州

武宗會昌四年甲子貶崔珙為州司馬

六年丙寅八月以州司馬崔珙為安州長史

宣宗大中六年壬申貶驍衛將軍張直方為司戶

懿宗咸通十一年庚寅貶康承訓為州司馬

宋太祖開寶五年壬申夏五月省廣南州縣

於是徙州治於陽江九年廢恩平縣併入陽江

南宋高宗紹興十九年己巳夏五月免新恩二州行錢

三十年己卯夏五月海賊陳演添掠高雷廉三州州民

林觀禽殺之命觀以官

孝宗乾道九年癸巳旱

恩平縣志 卷之三 編年

四

知州陳豐撰書詞祈雨詞見職官名宦

度宗咸淳二年丙寅大有年

嘉禾一董三穗州守涂久大建瑞禾亭於東山

端宗景炎二年丁丑春二月丁亥知州陳堯道僉判林

叔虎降於元

帝昺祥興二年己卯夏五月太傅張世傑至海陵山舟

覆死之宋亡

元仁宗延祐六年己未春正月南恩新州徭龍印庚等寇

郡縣命江西行省捕之

英宗至治元年辛酉秋七月饑賑之

泰定帝泰定元年甲子春正月饑賑之

二年乙丑春饑賑粟有差八月饑復賑

文宗至順元年庚午七月饑

順帝至正元年辛巳旱州守謝必昌祈於社得雨乃有

秋

至正六年庚辰二月謫河南省左丞相伯顏於南恩州

安置

十七年丁酉土寇吳元良據州城

元良綿鄉人判肇慶至正十年同黨黃善之謝漢昌

等私立萬戶長強徵民糧行劫新興新會令權知州

陳朝宗奪民田民苦之至是據城叛

二十六年蛋戶何均受殺吳元良自稱元帥據州城

明太祖洪武元年戊申春二月遣征南將軍廖永忠取廣

東元江西行省左丞何真降

是年冬十有一月永忠破何均受追至石港擒之餘

黨悉平

三年庚戌州廢

十五年壬戌頒臥碑於學宮

二十四年辛未詔廢寺觀

詔每縣止存一區餘併為叢林

恩平縣志卷之三 編年

五

成祖永樂十九年辛丑夏四月詔蠲通賦

仁宗洪熙元年乙巳春正月弛金銀坑冶之禁

詔金銀場礦除官封外其有司看守及禁約者聽民

採取

英宗天順六年壬午大水

天順八年甲申詔免稅役

英宗崩憲宗即位以廣東寇賊生發多因官司採辦

物件守令不得其人以致饑寒過身嘯聚為盜詔有

能悔過自散者宥其罪戶下拖欠稅糧等項悉皆蠲

免仍免雜派差役三年

憲宗成化元年乙酉春三月按察司副使毛吉討賊遇

害於雲岫山

山在縣治北五十里

二年丙戌冬十有一月詔赦兩廣盜賊

聽其復業免糧差二年官司善加撫卹

三年丁亥大饑

啓關元二年嶺南竹有花實如麥是歲大饑民採食

之占曰竹柏枯不出三年有喪故老傳刺竹五十年

一實而枯則盜起民饑上年丙戌邑內刺竹實而枯

其後宏治丙辰正德甲戌嘉靖壬戌皆驗

恩平縣志卷之三 編年

六

docsriver 文川网
入驻商家 古籍书城

在文川网搜索古籍书城 获取更多电子书

十五年析新會陽江新興地置恩平縣

自廢縣後僉事陶魯築堡防賊至成化二年丙戌軍民人等陳言將新會新興陽江附近里圍民人湊撥以堡為縣

按察副使陶魯勘得恩平縣在陽江水東都叟險地

兩通陽江北通新興東接新會三塗往來合設縣治

屬肇慶管轄陽江析出附近水東仕峒二都共四圍

新興析出附近靜德都八圍長居都七圍新會析出

德行都松柏山甲見在三圖上恭甲一圍計三縣析

出共五都二十三圍軍民戶三千四百一十一男婦

恩平縣志

卷之三

七年

人口一萬二千六百六十五田地塘稅二千一百六

十頃五十四畝零秋糧一萬二千八十一石零夏稅

米一石零農桑絲六兩零戶口食鹽鈔二萬九百八

十四貫題奉通行委道判屬逃新興縣丞何全陽

江縣縣丞陳永政俱於成化十四年十二月二十九

日到提督與工

孝宗宏治八年乙卯大有年

九年丙辰刺竹實而枯

十一年戊午大水

十四年辛酉火

武宗正德五年庚午盜破縣城劫庫尋獲之

時知縣莫汝能也民為歌云戶侯虛佩樓蘭劍典佐

徒誇國士名多少邑人驚見處滿街雨過血痕腥尋

獲賊首張子儀

九年甲戌秋八月颶風傷稼

十四年己卯賊劫縣城提督都御史楊旦總兵官撫寧

侯朱麒討平之

恩平賊蘇萬里與陽江賊馬文廣等合流劫恩平陽

春陽江新興諸縣屯蓮塘樂安之間叅政張極僉事

陳剛請於都御史楊旦總兵朱麒調民壯打手緝獲

恩平縣志

卷之三

八年

兵委知府黃瑗都指揮卞玉知縣黃寬等分道進剿

數月乃平

世宗嘉靖元年壬午春督學魏校毀淫祠立社學

二年癸未提督都御史張漬總兵官撫寧侯朱麒討橫

西賊平之

先歲壬午兵備副史王大用剿滅賊首梁明梁駝朱

尾梁子惠鄭國祥蘇文養蘇元用等尚有賊首蔡猛

三在新寧及縣屬之白土薊蔡猛三聚眾數萬偕名

號掠鄉落焚連塘驛為害已久至是調兵二萬八千

六百分二部進討俘斬一萬四千級橫西平

五年丙戌大風拔木

冬十月地震有聲如雷

七年戊子大旱土賊宗英廖弟奴等作亂叅政祝高叅

將程鑿誅之

九年庚寅建啟聖祠

十三年甲午夕地震有聲如雷

十四年乙未大水

十五年丙申大饑

知縣設應憲請賑卹有差

二十二年癸卯秋八月旱

二十四年乙巳大饑

三十二年癸丑夏大水

秋九月大饑

三十四年乙卯知縣陸湯臣捕賊誅之

賊首李子盛連結流浪背招肆劫知縣陸湯臣擒子

盛并其黨馬三呂清梁青蔡黃遊春朱不黃遊海及

嶺南賊首余信悉斬之

三十五年丙辰春提督都御史談愷討新恩恩平賊平

之

新興諸儒紳寧河賊肆各邑巡撫郭文周奏上命

恩平縣志

卷之三

編年

九

恩平縣志

卷之三

編年

十

愷討之至是乃平是役也兵三萬攻拔諸州斬獲數

千人餘賊恐懼乞降許之編十三村為德化都未幾

復叛

三十六年丁巳二月大雨雹

秋八月黑雲見

先是民競傳有妖自新會南海將至又傳治之之法

用青竹枝或桃枝環擊可免至是果見一時併至數

十家有聲如風始如螢火擊之散為數十擊甚或變

為鳥獸魚木燼之類自後夜鳴鼓呼號逐之婦女

集中堂男子執桃竹枝環視達旦諸邑皆然踰月乃

已

三十七年夏四月大水

秋八月都御史王鈞討王三坑賊平之

坑在靜德都

三十九年庚申移肇慶府叅將於唐宅堡

堡在縣東南一百里通判呂天恩議都御史談愷題

至萬曆二年兵備李材築開平屯毀堡入於屯議建

不果

四十一年壬戌刺竹實而枯

秋七月賊掠縣境